



讀史方輿紀要卷一百二十八

崑山顧祖禹景范輯著  
南昌彭元瑞芸楣校定

錦里龍萬育燮堂校刊

川瀆五之江 盤江

川之大者大河而外莫如大江然河流朝夕不常江  
流亘古不改周匝西垂吞吐百川江誠浩博矣哉是  
為江紀

江源出於岷山

禹貢曰岷山導江荀卿曰江出汶山

汶泯通山海經亦曰岷山江水

出焉水經岷山江水所出或作嶧山或作岐山其實一也

大江發源於岷山審矣

山谷紆回泉流隱伏盤溪曲澗滙流成川酈道元云

岷江泉流深遠為四瀆首是也江譜岷江渠堰譜撰岷

江發源臨洮木塔山臨洮今陝西洮州南境或曰木塔山即岷出之支

隴益州記江源出岷山羊膊嶺宋任豫益州記江出羊膊嶺經甘松至灌

千餘里洮岷記大江出陝西岷州岷山南流入川輿程記江源出松潘衛二百三十里之大分水嶺或以

為即羊膊嶺似悞分二流一西南流為大渡河詳見四一南

流為大江水利志岷江出羊膊嶺分二流一西南流為尖囊大渡河一正南入溢村至石紐過

汶川歷今灌縣境即禹所導之大江也今松茂以北接陝西洮岷之境

羣山錯雜其澗谷之水皆犇轍而南合為大江然則

江源本無正流禹貢以岷山表識之而江源可以依

據此聖經之文所以為不可易與



西南流經松潘衛西又南經疊溪所西

大江在松潘衛西六十里其上流自大分水嶺而來也又南流經疊溪所西三里盤旋崖石間曾不容舸矣

又南經茂州城西又西南經威州之西又南經保縣東又東南流至汶川縣西

大江經茂州城西北折而西南經威州北三十里高碛山下唐維州城故址在焉三面臨江號爲險塞又西經保縣城東十里復折而東南經汶川縣治西曲折環流蜀境西北之保障也

又東南經灌縣西又東南流經崇慶州北又東南經新津縣南

大江自汶川縣東南流幾二百里而至灌縣西去城

三十三里離堆在焉秦李冰鑿渠分流入成都處也

有內江外江及都江之分今詳見成都府其正流經崇慶州西北五十里

又南為味江唐貞元十一年蜀州江溢即此又東南流經新津縣城

南亦謂之皂江又東南流入眉州境蜀記本唐鄭曉撰此蓋夔

前人舊名也大江在威茂之間謂之汶江白汶川縣而南

往往隨地易名不可更僕數也

又東南經彭山縣卓又南經眉州之東又南經青神縣

之市

大江在彭山縣東北二里其支川自灌縣分流經成都南境者於新津彭山之間復次第流合焉經縣城東江流益盛亦謂之武陽江又南經眉州城東四里蟄頽山下亦謂之坡黎江又南經青神縣東二十里南流入嘉定州境

又南經嘉定州東又南經犍爲縣東

大江經嘉定州城東亦謂之通江至城東南而大渡河合青衣江之水自州西南流合焉亦兼合水之稱又南經犍爲縣城東復折而東南流入叙州府境

又東南經敘州府城北又東南經南溪縣東

大江自犍為縣東南流凡三百六十餘里而至敘州

府城北經城東南而馬湖江自西南流合焉馬湖江詳四川

大川瀘水又東南流百二十里經南溪縣城東三里又東

南入瀘川境江之北岸為富順隆昌之境志云大江在府境亦兼

外水之稱控禦蠻獍衿帶兩川為腰膂之寄

又東經江安縣北又東經納溪縣北又東北經瀘州城

東又東經合江縣北

大江自納溪縣東南百二十里而至江安縣北南去

城二十里又東南六十里至納溪縣城北又折而東



北流七十里經瀘州城東南資江自北流合焉所謂

中水是也詳見四川大川雜江又東北幾二百里而至合江縣

北南去城五里又東北入重慶府境志云大江自瀘

州而上灘磧交錯江流濶狹不常由嘉定州而上則

重山曲折崖高流迅牽挽益艱自瀘州而下雖灘磧

間列而江深岸濶江淮艤舫可以泝流而達矣

又東北經壁山縣南又東北經江津縣北又東北經重

慶府南

大江自合江縣東北流百八十里至壁山縣南去縣三十

里又東北百三十里而經江津縣城北二里又東北



二百餘里而經重慶府城東南涪江合嘉陵江自北  
流合焉所謂內水也詳見四川大川涪江府居內外二水之間  
凭高據深為全蜀之衿要

又東經長壽縣南又東經涪州北

大江自重慶府城東流二百餘里至長壽縣城南又

東百三十里而經涪州城北至城東黔江自南流合

焉亦曰涪陵江今詳見涪州東通湖廣南入貴州黔江其徑道矣

又東北流經酆都縣南又東北經忠州城南

大江自涪州東北流百四十里而經酆都縣城南曠

記涪州六十里至東青水驛一各焦崖驛又八十里即酆都縣又東北百九十里而

至忠州城南又東入夔州府境

又東北經萬縣南又東經雲陽縣南

大江自忠州東北流二百餘里而至萬縣城南又東二百七十里至雲陽縣城南又東百七十里卽夔州府城矣

又東經夔州府城南又東經巫山縣南

大江經夔州府城南又東八里而爲瞿塘峽所謂瞿

塘灩澦天下之險也

詳見四川重險瞿塘關

又東百二十里至

巫山縣城南又東三十里經巫峽中峽長百二十里

兩岸連山舟行其間江流至此爲出蜀而入楚之處

詳見四川名山巫山波濤澎湃崖石嶙峋誠古今之至險亦山

川之奇勝江行記巫山東至巴東縣凡一百六十里

皆在峽中行也宋張玠禹廟記曰夔門當四蜀川流之聚合數百源而委之沅澧汜濫又

甚他所而巴岡巫橋崔嵬盤錯壁立骨峙綿亘陵極固塞其衝奔潰洶涌之勢艱乎為力哉已而瞿塘瓜

分灑潏孤蹲千崖萬磴兩兩却立黃流巨浸帖帖東下環數千里之地既宅既旅既蠶既粒孰知疏鑿功

用之至

於斯耶

又東經巴東縣北又東經歸州城北

大江經巴東縣城北又東九十里經歸州城北山峽

連綿與蜀相接所謂步步皆險也

又東經彝陵州東又東經宜陵縣北



大江自歸州東屈曲流凡百八十里至夔陵州城南

城西北二十五里西陵峽在焉與夔州之瞿唐巫山

之巫峽共為三峽州當三峽之衝故言形勝恒以西

陵為吳楚之西門又夷平也江陵至州西始出險就

平故曰夷陵

詳見湖廣重險西陵

自州而東又曲折流六十餘

里而至宜都縣西北五十里之荆門山與南岸虎牙

山對峙自昔為險阨之處

詳見湖廣重險荆門

江行記

宋范成大撰

名吳船錄

曰蜀中之江會流於三峽者凡二百八十有奇

蜀中之灘次及於荆門者凡四百五十有奇自荆門

以東其以灘磧名者無復嗟呀之勢亦無櫛比之多

矣又東南流經宜都城北三里而東達於枝江縣境  
又東北經枝江縣北又東南經松滋縣北

大江自宜都縣北東流七十餘里而經枝江縣城北  
江流至此分而爲二間以大洲謂之百里洲洲之北  
曰北江南曰南江禹貢東別爲沱卽此地也又東南  
流七十里而經松滋縣城北江流至此復支分爲三  
派名曰川江又東北流入江陵縣界

又東北經荊州府城南又東南經公安縣北

大江自松滋縣東北流百二十里而至荊州府城南  
府翼帶江沱稱爲都會府東二十里曰江津口江水

支分於枝江以東者至此洲盡而流合勢益盛昔時  
濱江置戍爲江陵重地又東南四十里卽公安縣也

江流經城東北三里又東南入石首縣界荆州記舊

晉郭仲江水方出峽勢如建瓴夏秋汎漲頃刻千里

然彝陵而上山阜夾岸勢不能溢嘉魚而下江面浩

澗順流直注又兩岸俱平行下濕水易漫流惟江陵

公安石首監利華容之間江流自西而北而東而南

勢多迂回至岳陽復自西南轉東北湖水並流易於

漲遏故決害多在荆州夾江南北往往沿岸爲隄咫

尺不堅千里爲壑矣呂后三年江水漢水溢流四千餘家八年江漢水溢流萬餘家



又東南經石首縣北又東經監利縣南又東經華容縣北

大江自公安縣東南流百十里至石首縣城北又東

南流百二十里至監利縣城南又東南流六十里經

華容縣東北境之黃家驛

驛西南去華容縣九十里東北至城陵磯亦九十里

江流深濶商旅往來所在輻輳

又東經岳州府北又東經臨湘縣北

大江經岳州府城西北十五里之城陵磯洞庭之水

自南而北由此注於大江謂之荆江口亦謂之西江

口又謂之三江口以洞庭及澧水與大江並會於此

也詳見湖廣重險荆江口控據要津為湖南北之喉吭又東北

七十餘里經臨澧縣城北輿程記城陵磯驛南廿里為洞庭湖口東六十里至

臨澧縣之鴨欄水驛皆濱江要地也又東北入武昌府境

又東北經嘉魚縣西益折而北經漢陽府城東武昌府

城西而會於漢水

大江自臨澧縣而東百十里至石頭口驛驛乃嘉魚臨澧縣分

界處又東北七十里至嘉魚縣城西北七里又東北九

十里至簾頭鎮屬嘉魚縣有簾洲驛又九十里至金口驛屬江夏縣

又六十里經漢陽府城東北之大別山南東折而北

出會於漢水所謂漢口也亦謂之夏口詳見湖廣名山大別及重

險夏口之南即漢陽府夏口東岸正對武昌府二

城隔江相對不過七里為衿束之處天下有事無不

注意於此者又北折而東出即黃州府境矣

江水會於漢水並流而北復折而東江之北岸為黃陂

縣及黃州府境南岸為武昌府及武昌縣境

江漢竝流北出而東折去漢口三十里曰青山磯濱江

南岸為津渡之要又東十五里為黃陂縣之沙口鎮在江北岸亦曰

沙武口西北去縣五十里又十五里為陽邏鎮在江北岸有陽邏驛屬黃岡縣輿程

記陽邏而東十里為抽分廠竹木抽分處也又東二

十里曰白湖鎮在江南岸屬江夏縣有巡司對岸即雙流又八十里曰團風鎮又二十里曰三江口江行記漢